

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
NAČELNIK OPĆINE

I N F O R M A C I J A
o poticajima u poljoprivrednoj proizvodnji
na području općine Maglaj u 2021. godini

Maglaj, decembar 2021. godine

INFORMACIJA poljoprivreda u 2021. godini

U periodu od 01.01. do 16.12.2021. godine, ukupno je zaprimljeno **123** predmeta koji se odnose na predmete iz nadležnosti Službe, koji se odnose na upis u:

- Registar poljoprivrednih gazdinstava (RPG),
- Registar klijenata (RK),
- Registar pčelara,

isti su kompletirani i unešeni u softversku aplikaciju koja je postavljena od strane Federalnog ministarstva za poljoprivredu, vodoprivredu i šumarstvo i koji kontrolišu i prate unos podataka.

- Rješenja za odobrenje smještaja pokretnih pčelinjaka sa područja drugih općina na područje općine Maglaj,
- Izrada vodnih akata,
- Izvještaja za Federalni zavod za statistiku, te ostali akti i dopisi koji su vezani za oblast poljoprivrede i vodoprivrede.

Broj predmeta koji se posebno zavode na Protokolu Općine kroz knjigu osobne pošte je **879** i odnose se na redovito ažuriranje podataka u Registru poljoprivrednih gazdinstava (RPG) i Registru pčelara, zahtjevi za poticaj u primarnoj poljoprivrednoj proizvodnji a po objavljenom Javnom pozivu od Općine Maglaj, dostava podataka o otkupljenim količinama mlijeka te ostali akti koji su vezani za oblast poljoprivrede i vodoprivrede. Po zahtjevima stranaka izdano je **435** potvrda (Potvrde se izdaju u svrhu prijava na Javne pozive, ostvarivanje poticaja u poljoprivrednoj proizvodnji, prodaje viška vlastitih poljoprivrednih proizvoda na pijaci, u svrhu uvoza poljoprivrednih mašina i priključaka, mehanizacije kao i za podizanje kredita kod mikrokreditnih organizacija za pospješivanje poljoprivredne proizvodnje, potvrde iz Registra pčelinjaka u svrhu obilježavanja pčelinjaka i selidbe pčelinjih društava na druga područja kao i liste korištenja na posjedima i liste stoke, P1 i Z1 obrazci koje se uglavnom printaju za prijave na Javne pozive i poticaje nadležnog Federalnog i Kantonalnog ministarstva za poljoprivredu, šumarstvo i vodoprivredu.

U navedenom vremenskom periodu primane su stranke kojima su davani stručni savjeti iz oblasti poljoprivredne proizvodnje, upućivane su na određene radnje koje moraju izvršiti kako bi zadovoljili kriterije koji su potrebni za ostvarivanje federalnih i kantonalnih poticaja, a koji su propisani Pravilnikom, Programom i Uputstvom, koje je izdalo Federalno i Kantonalno ministarstvo za poljoprivredu, šumarstvo i vodoprivredu, kao i zahtjevi za općinski poticaj i za prijavu na Javne pozive. Također zaprimani su zahtjevi sa ukupnom dokumentacijom koja je potrebna za ostvarivanje poticaja u svim segmentima poljoprivredne proizvodnje, te pregledani i sa popratnim aktom poslani nadležnim ministarstvima.

U navedenom periodu rješavano je po zahtjevu podnositelja zahtjeva za izdavanje vodnih akata (prethodna vodna saglasnost, vodna saglasnost i vodna dozvola) primjenjujući Zakon o vodama („Službene novine Federacije BiH“, broj: 70/06), Zakon o vodama Zeničko-dobojskog kantona („Službene novine Ze-do Kantona“, broj: 17/07) i Pravilnik o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj: 31/15).

Važno je napomenuti da je oblast izdavanja vodoprivrednih akata izuzetno osjetljiv i kompleksan posao, i radi se o složenim upravnim postupcima. Rješavano je po zahtjevu

podnositelja zahtjeva za izdavanje vodnih akata (prethodna vodna saglasnost, vodna saglasnost i vodna dozvola) primjenjujući naprijed navedene zakonske propise. Važno je napomenuti da je oblast izdavanja vodoprivrednih akata izuzetno osjetljiv i kompleksan posao, i radi se o složenim upravnim postupcima. Napominjemo takođe da se pojavila problematika jer u našoj Službi od kada je inženjer agronomije/poljoprivrede u toku 2018. godine napustio organ Općinu Maglaj, nemamo odgovarajuću osobu koja bi obavljala ove poslove.

Redovito je komunicirano sa resornim Ministarstvom za poljoprivredu, šumarstvo i vodoprivredu Ze-do Kantona i Federacije BiH, kako pismenim tako i telefonskim putem, a vezano za primjenu zakonskih propisa i to: Zakona o poljoprivredi, Zakona o vodama, Zakona o poljoprivrednom zemljištu, zakonskih i podzakonskih akata koji uređuju oblast poticaja u poljoprivrednoj proizvodnji, a sve radi pravilnog provođenja istih. Održavani su sastanci sa predstavnicima udruženja građana poljoprivrednih proizvođača i zemljoradničkih zadruga, sa ciljem njihovog uvezivanja i poslovne saradnje, kao i zajedničkog rješavanja problema u oblasti primarne poljoprivredne proizvodnje.

Vezano za izdvajanje novčanih sredstava iz budžeta/proračuna Vlade Federacije BiH i Vlade Ze-do Kantona, te uputstvima i pravilnicima koja su izdala nadležna ministarstva poljoprivrede, vodoprivrede i šumarstva, poljoprivredni proizvođači i udruženja građana poljoprivrednih proizvođača zajedno sa svojim članovima, svi sa područja općine Maglaj, su aplicirali na različite oblasti poljoprivredne proizvodnje, koje su bile objavljene u javnim pozivima za dodjelu novčanih sredstava u poljoprivredi. U izvještajnom perioda vršeno je redovno primanje stranaka poljoprivrednih proizvođača, rad u stručnim i općinskim komisijama, tekući poslovi kao i poslovi po nalogu rukovodioca Službe i Načelnika općine, i to razne odluke, odgovori na vijećnička pitanja, dopisi, terenski poslovi, organizacija prezentacija projekata u poljoprivredi.

Registar poljoprivrednih gazdinstava (RPG) i Registar klijenata (RK) i Registar pčelara

Ukupan broj poljoprivrednih gazdinstava upisanih u RPG i RK na području općine Maglaj je trenutno **1481** i **za 69** je više nego u 2020. godini. Broj predmeta za ažuriranje podaka u 2021. godini u Registru poljoprivrednih gazdinstava (RPG) je **404**, u Registru pčelara **73** upisanih za **9** više nego u 2020. godini, broj ažuriranih predmeta u Registru pčelara je **53** te je izdano **435** potvrda o upisu u Registar koje se izdaju u svrhu:

- prijava na Javne pozive,
- prodaje viška vlastitih poljoprivrednih proizvoda na pijaci,
- uvoza poljoprivrednih mašina,
- podizanja kredita kod mikrokreditnih organizacija za pospješivanje poljoprivredne proizvodnje
- regulisanja poticaja u primarnoj poljoprivrednoj proizvodnji,
- obilježavanju pčelinjaka i
- selidbe pčelinjih društava na druga područja.

Unos podataka svih poljoprivrednih gazdinstava i dalje teče shodno podnesenim zahtjevima, dok se podaci već unešenih obiteljskih poljoprivrednih gazdinstava odnosno klijenata trebaju redovito ažurirati najdalje do 31.03. svake godine, a svaka promjena na poljoprivrednom gazdinstvu se treba prijaviti najdalje 30 dana od dana promjene, tako da je rad na aplikaciji konstantan i redovit, te traje tokom cijele godine.

Poticaji u primarnoj poljoprivrednoj proizvodnji od strane Općine

Općina Maglaj je u prethodnom periodu izdvajala znatna sredstva u Budžetu/Proračunu koja su bila opredjeljena za razvoj poljoprivrede i uglavnom su bila utrošena za poticaj u primarnoj poljoprivrednoj proizvodnji. Poticajna sredstva su se prvenstveno usmjeravala na poticaj poljoprivrednim gazdinstvima koja su u svom radu postizala značajne rezultate u cilju:

- stvaranja i proširenja obiteljskih gospodarstava i obrta,
- jačanja poljoprivrednih Zadruga i Udruženja čiji članovi doprinose cjelokupnom razvoju poljoprivrede i razvoju ruralnih područja općine, pokrivanje troškova organizovanog odlaska na sajam, program jesenske i proljetne sjetve i sadnje i kupovinu opreme,
- novčana pomoć JP „Veterinarska stanica“ doo Maglaj u svrhu zdravstvene zaštite životinja, itd.

Opredjeljena sredstva poticaja su raspoređena u omjeru 60 % za animalnu (stočarsku) i 40 % za biljnu proizvodnju, sa mogućim odstupanjem 5 % od jedne ili druge navedene proizvodnje.

Poticaji su se izdvajali planski u skladu sa Programom poticaja razvoja poljoprivrede na području općine Maglaj, koji svake godine usvaja Općinsko vijeće Maglaj.

Kako je na našoj općini jedan od najzastupljenijih, i za ljudsku ishranu esencijalnih sektora poljoprivrede stočarstvo i proizvodnja sirovog kravljeg mlijeka, tako su i sredstva davana za tu vrstu proizvodnje. Za tu namjenu Odlukom Načelnika općine, a na temelju dostavljenih ovjerenih spiskova otkupa mlijeka, dostavljenih od strane registriranih otkupljivača, izdvojeno je individualnim poljoprivrednim proizvođačima po 0,10 KM za svaku litru predanog sirovog kravljeg mlijeka, a koji su predali mlijeko registriranom prerađivaču Mliječnoj industriji „MI99“ d.o.o Gradačac i Zeničkoj industriji mlijeka „ZIM“ dd Zenica.

Proizvodnja sirovog kravljeg mlijeka

Proizvodnja sirovog kravljeg mlijeka (0,10 KM/litru proizvedenog sirovog kravljeg mlijeka) po kvartalima - obračunava se po dostavljenim tabelarnim prikazima od strane registrovanih otkupljivača „MI99“ d.o.o Gradačac i "ZIM" dd Zenica.

R.Br.	Proizvodnja sirovog kravljeg mlijeka	Ukupno litara	KM/litar	Iznos (u KM)
1.	I kvartal 2021.godine	208.124	0,10	20.812,40
2.	II kvartal 2021.godine	221.487	0,10	22.148,70
3.	III kvartal 2021.godine	193.960	0,10	19.396,00
	UKUPNO:	623.571	0,10	62.357,10

Obračun za IV kvartal (01.10. do 31.12.2021 godine), radi se poslije 31.12. 2021. godine kada budu poznati podatci o otkupljenim količinama sirovog kravljeg mlijeka za ovaj period.

Dana 17.08.2021. godine Načelnik općine objavio je Javne pozive za ostvarivanje novčane podrške na području općine Maglaj za slijedeće poljoprivredne proizvodnje:

Proizvodnja aronije i borovnice

Pravo na poticaj imali su poljoprivredni proizvođači koji su zasnovali proizvodnju na zasadima aronije i borovnice od 1 dunuma i više.

Visina poticaja iznosi 100,00 KM/dunum.

Ukupan broj podnesenih prijava je **11** zahtjeva, pod površinom od **28,46 dunuma**

1 zahtjev x 4,5 dunuma x 100,00 KM x 1,1 koef. = 495,00 KM (obrt)

10 zahtjeva x 23,96 dunuma x 100,00 = 2.396,00

Ukupno: 28,46 dunuma

Isplaćeno: 2.891,00 KM

Proizvodnja krastavaca kornišona

Pravo na poticaj imali su poljoprivredni proizvođači koji su zasnovali proizvodnju krastavaca kornišona na površini od 0,5 dunuma i više.

Visina poticaja je iznosila 0,5 – 1 dunuma se množila sa koeficijentom 1 (jedan), a za površine preko 1 dunuma zasađene površine se množe sa koeficijentom 1,25.

Iznos poticaja je 100,00 KM/dunum.

Broj zaprimljenih zahtjeva za ovu vrstu proizvodnje je 42, pod površinom od 42,5 dunuma.

2 zahtjeva x 0,5 dunuma x 100, 00 KM = 100, 00 KM

33 zahtjeva x 1 dunuma x 100,00 KM= 3.300,00 KM

5 zahtjeva x 1 dunum x 100,00 KM X 1,1 koef. = 550,00 KM (obrt)

1 zahtjev x 1,5 dunuma x 100,00 KM x 1,25 koef.=187,50 KM

1 zahtjev x 2 dunuma x 100,00 KM x 1.25 koef. = 250,00 KM

Ukupno: 42,5 dunuma

Isplaćeno: 4.387,50 KM

Otkupljivači koji su vršili otkup kornišona na području općine Maglaj su:

- "ESMA & SS"d.o.o. Šije, Tešanj - 30 kooperanata, pod površinom od 28 dunuma, otkupljene količine krastavca kornišona su 89.612,50 kg.
- „BOSNIA Kalesija“d.o.o. Kalesija – 26 kooperanta, pod površinom od 23,5 dunuma, otkupljene količine krastavca kornišona su 88.042 kg

Ukupan broj kooperanata je 56.

Ukupna površina pod kornišonima je 51,5 dunuma.

Ukupno proizvedeno kornišona je **177.654,50 kg.**

Peradarstvo (proizvodnja konzumnih jaja)

Pravo na poticaj su imali poljoprivredni proizvođači konzumnih jaja sa područja općine Maglaj koji svoju djelatnost obavljaju kao registrovani obrt – srodna djelatnost.

Visina poticaja za ovu vrstu proizvodnje iznosi 0,15 KM/koki nosilici.roj zaprimljenih zahtjeva je 2.

Farma koka nosilja „ Maglajka“ – 15000 koka nosilica x 0,15 KM = 2.250,00 KM

Farma i mješaona „Kepić“ - 9.100 koka nosilica x 0,15 KM = 1.365,00 KM

Isplaćeno: 24.100 koka nosilica x 0,15 KM = 3.615,00 KM

Proizvodnja kukuruza (silažni i merkantilni)

Pravo na poticaj su imali korisnici koji su zasnovali proizvodnju kukuruza (merkantilni i silažni) na svom vlastitom zemljištu i/ili zemljištu zakupljenom od strane drugih lica na području općine Maglaj na minimalnoj površini od 1 ha (10 dunuma), i koji se bave tovom junadi, brojlera i svinja.

Ukupan broj podnesenih prijava je 32 zahtjeva.

Površina pod kukuruzom po zaprimljenim zahtjevima je 528,02 dunuma.

Nakon izlaska komisije na teren ustanovljeno je da površina u kojima je zasnovana proizvodnja iznosi **509,61 dunuma**.

Isplaćeno: 509,61 dunuma X 15,00 KM = 7.644,08 KM

Dana 03.11.2021. godine Načelnik općine objavio je Javne pozive za ostvarivanje novčane podrške na području općine Maglaj za slijedeće poljoprivredne proizvodnje:

Pčelarstvo (proizvodnja meda)

Pravo na poticaj su imali poljoprivredni proizvođači pčelari koji su članovi registriranog Udruženja pčelara sa područja općine Maglaj, i koji imaju najmanje 10 (deset) pčelinjih zajednica/ košnica na svom ili zakupljenom imanju.

Visina poticaja iznosi 11 KM/ košnici.

Broj zaprimljenih zahtjeva za ovu vrstu proizvodnje je 59.

Isplaćeno: Broj košnica 2020 x 11,00 KM = 22.220,00 KM

Plastenička i staklenička proizvodnja

Pravo na poticaj su imali poljoprivrednici koji su zasnovali bilo koji vid intenzivne biljne poljoprivredne proizvodnje (rasadničarstvo, povrtlarstvo, cvječarstvo i dr.) u plastenicima i

staklenicama na vlastitom zemljištu i/ili zemljištu zakupljenom od strane drugih lica na području općine Maglaj na minimalnoj površini od 200 m².
Visina poticaja iznosi 1KM/m²

Isplaćeno: 12.470 m² x 1,00 KM = 12.470,00 KM – fizička lica

8.340 m² x 1,00 KM x 1,1 koeficijent = 9.174,00 - obrt

Isplaćeno: 21.644,00 KM

Proizvodnja jagodičastog voća

Pravo na podršku u ovoj proizvodnji imali su poljoprivrednici koji imaju zasnovanu proizvodnju na zasadima malina, kupina, jagoda i dr. na površini od 1 dunum i više.

Podrška za ovu vrstu proizvodnje iznosila je 0,15 KM/1kg, otkupljene količine od strane registriranog otkuplivača.

Broj zaprimljenih zahtjeva za ovu vrstu proizvodnje je 49.

Proizvedena količina po primljenim zahtjevima je 45.044,60 kg.

- Isplaćeno: 45.044,60 kg x 0,15 = 6.756,73 KM

Sufinansiranje projekata – programa iz oblasti poljoprivrede, edukativna putovanja i organizirani posjeti sajmovima.

Podrška je odobrena zemljoradničkim zadrugama i udruženjima poljoprivrednika s područja općine Maglaj na osnovu vrijednosti apliciranih projekata – programa.

Projekti – programi su isključivo vezani za poljoprivrednu proizvodnju i ruralni razvoj.

Jednoj zadruzi ili udruženju može biti odobreno sufinansiranje samo jednog projekta-programa u oblasti poljoprivrede u visini do 1.500,00 KM.

Broj zaprimljenih zahtjeva je 2 .

Udruženje pčelara „Maglaj“ – 1.500,00 KM

Udruženje „Agro- Liješnica“ – 1.492,00KM

Isplaćeno: 2.992,00 KM

Javni pozivi su trajali do 26.11.2021. godine, o čemu su poljoprivrednici informisani putem oglasne ploče Općine Maglaj, RTV Maglaj, web stranice općine Maglaj i oglasnim pločama u svim Mjesnim zajednicama sa područja općine Maglaj.

Planirana sredstva iz Budžeta Općine Maglaj u 2021. godini za mjere poticaja u poljoprivredi iznose **195.000,00 KM**, a zaključno sa 16.12. 2021. godine isplaćeno je **134.507,41 KM**.

Ostala sredstva koja su utrošena iz Budžeta/Proračuna Općine Maglaj u 2021. godini su za slijedeće namjene:

- Crvenom križu općine Maglaj za nabavku sjemenskog krompira za proljetnu sjetvu za socijalno ugrožene porodice sa područja općine Maglaj u iznosu od 2.500,00 KM.
- Poticanje jesenske sjetve po Javnom pozivu od FMPVŠ iz 2020. godine u iznosu od 8.840,28 KM.

Ukupno od planiranih sredstava zaključno sa 16.12.2021. godine urošeno je **145.847,69 KM**.

Obračun i isplata poticaja proizvodnje sirovog kravljeg mlijeka za IV kvartal u 2021. godini se obračunava zaključno sa 31.12.2021. godine.

Osim gore navedenih mjera poticaja sa nivoa općine, tu su i poticaji sa kantonalnog i federalnog nivoa koji su usklađeni sa programima poticaja Ministarstva za poljoprivredu Ze-do kantona i Federalnog ministarstva za poljoprivredu, vodoprivredu i šumarstvo. Služba je bila u stalnoj komunikaciji sa resornim kantonalnim i federalnim ministarstvom za poljoprivredu, šumarstvo i vodoprivredu, kako pismenim tako i elektronskim i telefonskim putem, a vezano za primjenu propisa i to Zakona o poljoprivredi, Zakona o vodama, Zakona o poljoprivrednom zemljištu, kao i ostalih zakonskih i podzakonskih akata koji uređuju oblast poticaja u poljoprivrednoj proizvodnji, a sve radi pravilnog provođenja istih.

Po uputstvu o poticanju Ministarstva za poljoprivredu, šumarstvo i vodoprivredu Ze-do kantona proizvođači su se u 2021. godini prijavljivali na sljedeće Javne pozive za koje su uplaćena sredstva:

- Podrška za uzgoj brojlera;
- Podrška za držanje koka nosilja;
- Podrška za registrovane farme goveda;
- Podrška za proizvodnju maline i kupine;
- Podrška za proizvodnju krastavca – kornišona;
- Podrška za zasnivanje koštičavog, jabučastog i jezgrastog voća;
- Podrška za zasnivanje novih zasada jagodičastog voća;
- Podrška za nabavku plastenika;
- Podrška za poljoprivrednu proizvodnju u plastenicima i staklenicima;
- Podrška projektima iz oblasti pčelarstva.

Po uputstvu o poticanju Ministarstva za poljoprivredu, šumarstvo i vodoprivredu Federacije BiH proizvođači su se u 2021. godini prijavljivali na sljedeće Javne pozive:

- Proizvodnja silažnog kukuruza;
- Proizvodnja svježeg kravljeg mlijeka;
- Proizvodnja goveđeg mesa – tov junadi;
- Uzgoj rasplodnih junica;
- Uzgoj rasplodne stoke – ovce i koze;
- Uzgoj pčelinjih zajednica;
- Podrška po modelu ruralnog razvoja.

Podaci o broju predanih zahtjeva i iznosu novčanih sredstava bit će poznati u narednom periodu, odnosno nakon isplate svih poticaja od strane Federalnog i Kantonalnog ministarstva za poljoprivredu, šumarstvo i vodoprivredu.

OSTALI PROJEKTI

Federalno ministarstvo raseljenih osoba i izbjeglica (FMROI)

Početkom 2020. godine objavljen je Javni poziv od strane Federalnog ministarstva raseljenih osoba i izbjeglica za „Program pomoći održivog povratka“ u cilju podrške u zapošljavanju/samozapošljavanju povratnika u poljoprivredi u periodu 2020. i 2021. godine na području Federacije Bosne i Hercegovine.

U skladu sa procedurama za izbor korisnika, na prijedlog Komisije za razmatranje prijave po Javnom pozivu (imenovane rješenjem resornog ministra) i Komisije za razmatranje prigovora na Odluku o utvrđivanju rang liste potencijalnih korisnika, Odluka je bila objavljenjena na web stranici Federalnog ministarstva raseljenih osoba i izbjeglica.

Dana 02.04.2021. godine Ugovor su potpisali 33 korisnika koji su učestvovali u sufinansiranju projekta po javnom pozivu kako slijedi u tabeli:

Spisak korisnika Javni poziv 2020-2021

IME I PREZIME	ADRESA	VRSTA POMOĆI	VRIJEDNOST (u KM)	Iznos podrške/učešća (u KM)
Ekrem Suljaković	Liješnica bb	Motokultivator 12,2 KS, Kardanska prikolica, Čeona kosa, Plug jednobrazni	10.780,00	FMROI 7.546,00 Korisnik 3.234,00
Šehić Muhamed	Liješnica bb	Plug za traktor trobrzani	12.445,70	FMROI 8.711,99 Korisnik 3.733,71
Bradarić Edin	Jablanica bb	Motokultivator 12,2 KS, Rotaciona kopačica-freza, Kardanska prikolica	10.048,00	FMROI 7.033,60 Korisnik 3.014,40
Jakovljević Anto	Radojčići	Motokultivator 12,2 KS, Rotaciona kopačica (freza), Kardanska prikolica, Vadilica krompira	10.308,00	FMROI 7.215,60 Korisnik 3.092,14

Derviš Mujanović	Kopice bb	Presja za baliranje sijena, traktorska prikolica 3,5t	28.305,50	FMROI 19.813,85 Korisnik 8.491,65
Mulasmajić Ramila	Čobe bb	Motokultivator 12KS, Kardanska prikolica	9.023,00	FMROI 6.316,10 Korisnik 2.706,90
Mehinagić Zajim	Tujnica bb	Motokultivator 12,2 KS, Rotaciona kopačica- freza, Kardanska prikolica, Čeona kosa	11.538,00	FMROI 8.076,60 Korisnik 3.461,40
Mulahasić Ismet	Strupina bb	Motokultivator 12,2 KS, Rotaciona kopačica- freza, Kardanska prikolica, Čeona kosa	11.538,00	FMROI 8.076,60 Korisnik 3.461,40
Bašić Mihnet	Kopice bb	Motokultivator 9 KS, Kardanska prikolica	7.882,00	FMROI 5.517,40 Korisnik 2.364,60
Topčić Rašid	Donji Bradići bb	Motokultivator 12,2 KS, Kardanska prikolica	9.023,00	FMROI 6.316,10 Korisnik 2.706,90
Hasanić Alma	Donji ulišnjak bb	Motokultivator 12,2 KS, Rotaciona kopačica- freza, Kardanska prikolica, Čeona kosa	11.538,00	FMROI 8.076,60 Korisnik 3.461,40
Suljaković Jasmina	Tujnica bb	Motokultivator 12,2 KS, Rotaciona kopačica, Kardanska prikolica, Plug obrtni (s priključkom)	10.373,00	FMROI 7.261,10 Korisnik 3.111,90

Mujanović Fahira	Kopice bb	Rotaciona kosa 165 cm, Plug za traktor dvobrazni-dvije radne jedinice, Freza sa kardanom-radna širina 180	9.980,00	FMROI 6.986,00 Korisnik 2.994,00
Mahmić Mujo	Donji ulišnjak bb	Plug za traktor, traktorska prikolica	7.710,00	FMROI 5.397,00 Korisnik 2.313,00
Muminović Hajrudin	Ravna bb	Motokultivator 12,2 KS, Rotaciona kopačica, Kardanska prikolica, Plug jednobrazni	10.315,00	FMROI 7.220,50 Korisnik 3.094,50
Bajrić Haris	Liješnica bb	Finansijska sredstva za nabavku opreme za pčele	2.500,00	FMROI – ukupan iznos
Bilić Senad	Omerdino polje	Motokultivator 12,2 KS, Rotaciona kopačic- freza, Kardanska prikolica	10.048,00	FMROI 7.033,60 Korisnik 3.014,40
Hadžić Emir	Bijela Ploča	Motokultivator 12,2 KS, Rotaciona kopačica, Kardanska prikolica, Obrtni plug	10.373,00	FMROI 7.261,10 Korisnik 3.111,10
Kurjaković Nezir	Novi Šeher	Traktor 4 WD(4- 4) sa kabinom, Dong Feng	29.232,00	FMROI 20.462,40 Korisnik 8.769,60
Salkić Damir	Liješnica bb	Građevinski materijal za stajski objekat 6x5	cca 7.000,00	FMROI - građevinski materijal Korisnik- ugradnja materijala

Mačković Šefik	Bradići Donji	Motokultivator 12,2 KS, Rotaciona kopačič- freza, Kardanska prikolica	10.048,00	FMROI 7.033,60 Korisnik 3.014,40
Jašić Mirsad	Čobe bb	Motokultivator 12,2 KS, Kardanska prikolica, Čeona kosa (pogon+rezní aparat)	10.513,00	FMROI 7.359,10 Korisnik 3.153,90
Mehinagić Mustafa	Jablanica bb	Finansijska sredstva za nabavku opreme za pčele	2.500,00	FMROI – ukupan iznos
Mahmić Raif	Ulišnjak	Plastenik 50 m2	1.775,00	FMROI 1.242,50 Korisnik 532,50
Čamić Dževad	Liješnica bb	Finansijska sredstva za nabavku 10 komada ovaca	2.200,00	FMROI – ukupan iznos
Meškić Semir	Čobe bb	Finansijska sredstva za nabavku krave ili steone junice	2.500,00	FMROI – ukupan iznos
Čakrama Senaid	Strupina bb	Finansijska sredstva za nabavku krave ili steone junice	2.500,00	FMROI - ukupan iznos
Smajlović Hasan	Novi Šeher	Traktor 4 WD (4-4) sa kabinom, Dong Feng	29.232,00	FMROI 20.462,40 Korisnik 8.769,60
Jurišić Jozo	Strupina bb	Motokultivator 12,2 KS, Rotaciona kopačica (freza), Kardanska prikolica, Čeona kosa	11.538,00	FMROI 8.076,60 Korisnik 3.461,40

Bećirović Adis	Tujnica bb	Građevinski materijal za gospodarski objekat	cca 50.000,00	FMROI - 60% Korisnik - 40%
Jašić Ibro	Kopice bb	Finansijska sredstva za nabavku krave ili steone junice	2.500,00	FMROI - ukupan iznos
Čakrama Esad	Strupina bb	Motokultivator 12,2 KS, Kardanska prikolica, Čeona kosa (pogon+ rezani aparati)	10.513,00	FMROI 7.359,10 Korisnik 3.153,90
Smajuković Čazim	Kopice bb	Građevinski materijal za izgradnju stajskog objekta 6x5	cca 7.000,00	FMROI- građevinski materijal Korisnik - ugradnja materijala
UKUPNO			cca 372.779,20	FMROI 264.555,44 Korisnik 108.223,76

Dana 25.08.2021. godine obavljen je monitoring gore navedenih korisnika od strane predstavnika Federalnog ministarstva raseljenih osoba i izbjeglica gdje se ustanovilo činjenično stanje na terenu, da su svi korisnici na vrijeme uplatili svoje učešće i da su sve vrste pomoći isporučene kako je potpisano ugovorima.

FMROI

Dana 01.11.2021. godine Federalno ministarstvo raseljenih osoba i izbjeglica (FMROI) je raspisalo Javni poziv za podnošenje prijave za program pomoći održivog povratka „Podrška zapošljavanja/samozapošljavanja u poljoprivredi u periodu 2022 – 2023. godina“.

Predmet javnog poziva je izbor korisnika za dodjelu poljoprivrednih mašina, mehanizacije, plastenika i građevinskog materijala u cilju podrške zapošljavanja/samozapošljavanja povratnika u poljoprivredi na prostoru entiteta Federacije Bosne i Hercegovine za sljedeće namjene i programe:

- Dodjela poljoprivrednih mašina, mehanizacije i priključaka;
- Dodjela plastenika;
- Dodjela građevinskog materijala za obnovu i izgradnju gospodarskih objekata u poljoprivrednoj djelatnosti.

Aplikanti koji budu izabrani kao korisnici sredstava/donacije su obavezni sufinansirati vlastitim novčanim sredstvima 30%, 40% i 50% zavisno od ukupne zbirne vrijednosti predmetne namjene za korisnika.

Liste projekta i korisnika pomoći po osnovu ovog Javnog poziva sačinjit će Komisija koju će imenovati Federalni ministar rasaeljenih osoba i izbjeglica.

Javni poziv je u toku i trajat će do 31.12.2021. godine.

Federalni zavod za poljoprivredu sarajevo (FZZP)

Predstavnici Federalnog zavoda za poljoprivredu Sarajevo (FZZP) su u toku 2021. godine u više navrata obilazili poljoprivredne proizvođače na području općine Maglaj i vršili poslove stručnog nadzora u oblasti kontrole kvaliteta poljoprivrednih proizvoda, uzročnika biljnih bolesti, kontrolu prisutstva karantenskih i ekonomsko štetnih organizama na proizvodima, sjemenu i sadnom materijalu u unutarnjem prometu i ujedno edukovali vlasnike iz oblasti primjene aktivnosti vezanih za zdravlje bilja.

Institut za zdravlje i sigurnost hrane Zenica

Institut za zdravlje i sigurnost hrane Zenica u saradnji sa Ministarstvom za poljoprivredu, šumarstvo i vodoprivredu Ze-do kantona i Općine Maglaj je dana 25.10.2021. godine u JU Dom kulture „Edhem Mulabdić“ Maglaj, održao edukativno predavanje za proizvođače sirovog kravljeg mlijeka sa područja općine Maglaj. Cilj edukacije je bio da se razrade praktične smjernice namjenjene proizvođačima mlijeka orijentisane na farmu, tako što će obuhvatiti različite aspekte koji se odnose na zdravstveno stanje životinja, higijenu mlijeka, ishranu i snabdijevanje životinja zdravom hranom kako bi se povezalo ostvarivanje dobiti sa odgovornošću u vezi zaštite zdravlja ljudi, zdravlja životinja, te brige o životinjama i okolišu, te da poslovna djelatnost farmera u mljekarskoj industriji kao primarnih proizvođača u lancu snabdijevanja ima mogućnost da obezbijede dodatnu vrijednost svojim proizvodima uvrštavajući proizvodnje koje zadovoljavaju zahtjeve prerađivača i kupca.

Predavači su bili:

- **Rusmir Goletić**, Institut za zdravlje i sigurnost hrane Zenica DVM, sa temom: Biosigurnosnim mjerama na farmama muznih krava;
- prof.dr. **Čazim Crnkić** DVM; Veterinarski fakultet Sarajevo, sa temom: Ishrana muznih krava;
- **Jasmin Avdić** spec. za preh. ind. i sigurnost hrane; „Milkprocessing“ doo Sarajevo, sa temom: Tehnološka budućnost stočarstva i mljekarstva.

Ovo je jedno u nizu sličnih predavanja koja će organizovati za mljekare i proizvođače mlijeka sa područja općine Maglaj i Ze-do kantona.

IFAD - Projekat razvoja ruralnih poduzeca i poljoprivrede

Dana 22.10.2021. godine u Zenici organizovana je prezentacija Projekta IFAD 8 za općine i gradove u Klasteru 4.

Bosna i Hercegovina je zaključila Kreditni sporazum sa Medunarodnim fondom za poljoprivredni razvoj (IFAD) u svrhu finansiranja troškova u okviru Projekta razvoja ruralnih poduzeća i poljoprivrede.

Program je efektivan te su se stekli neophodni uvjeti za početak implementacije u unaprijed definiranim klasterima, sa identificiranim dominantnim lancima vrijednosti(LV) na cijelom području Federacije BiH.

Ured za koordinaciju projekata - PCU, formiran pri Federalnom ministarstvu poljoprivrede, vodoprivrede i šumarstva, zadužen je za cjelovitu koordinaciju aktivnosti na implementaciji Projekta.

Početak provedbe podrazumijeva da se u svih 5 Klastera na području Federacije BiH izvrši prezentacija Projekta i daju osnovne upute za pripremu lokalnih aktera, potencijalnih pružalaca usluga i Lidera za učešće u projektnim aktivnostima.

Cilj prezentacije je da se lokalni akteri sa područja Klastera 4, kao potencijalni korisnici projekta, informišu o ciljevima projekta, projektnom području, budžetu projekta i izvorima finansiranja te o komponentama/podkomponentama i modalitetima njihove izvedbe.

Prezentaciji su prisustvovali predstavnici: lokalnih aktera, kantonalnih i federalnih nivoa vlasti, predstavnici potencijalnih lidera u odabranim lancima vrijednosti: jagodičastog voća, povrća i ljekovitog bilja, aromatičnog bilja i šumskih plodova, te ostalih lanaca vrijednosti: stočarstvo i peradarstvo, predstavnici reprezentativnih farmerskih asocijacija udruženja poljoprivrednika i zemljoradničkih zadruga sa područja Klastera 4, predstavnici udruženja žena i asocijacija mladih u ruralnim područjima Klastera 4 i predstavnici naučnih i stručnih institucija.

Dana 11.11.2021. godine u Sarajevu je potpisan Memorandum o razumijevanju sa Uredom za koordinaciju projekata – PCU pri Federalnom ministarstvu poljoprivrede, vodoprivrede i šumarstva.

Dana 22.11.2021. godine u Zavidovićima, u saradnji sa Uredom za koordinaciju projekata -PCU općine sa područja Zeničko – dobojskog kanona koje pripadaju Klasteru 4 prisustvovali na sastanku na temu: Projekt razvoja ruralnih preduzeća i poljoprivrede, gdje su nas upoznali sa aktivnostima koje treba provesti, a koje su definisane Memorandumom kako bi se svaka od zainteresovanih općina prijavila na Javni poziv te uspješno realizovala predložene projekte. Na sastanku su bili prisutni i predstavnici Ministarstva za poljoprivredu, šumarstvo i vodoprivredu Zeničko – dobojskog kantona i predstavnici Ureda za koordinaciju projekata – PCU.

Program poticaja upošljavanja i samozapošljavanja pripadnika branilačke populacije Ze-do kantona

Na osnovu Programa poticaja samozapošljavanja pripadnika boračke populacije Ze-do kantona po objavljenom pozivu za dodjelu poticaja samozapošljavanja pripadnika branilačke populacije u Ze-do kantonu. Sredstva su odobrena za 2 (dva) korisnika u iznosu po 8.000,00 KM koji su aplicirali za samozapošljavanje u poljoprivredi i ukupan iznos odobrenih sredstava iznosi 16.000,00 KM.

Obradivač: Sadka Huskić

Kontrolor: Ferhat Bradarić

Kontrolor: Dženana Hadžiedhemović

Služba za privredu, finansije/finansije
i razvoj poduzetništva

